



MARA EVANGELICAL CHURCH

VACHHUH

MONTHLY NEWSLETTER



Volume 27

Monthly Newsletters

December 1/2020

Editorial:

Yru Xmas

Krisma a vaw hnia pita, “atakô Krisma kheita eima hmâ aw” tahpa hiahrina he chyhsa to liata ahriapasa kaw sai. Kô hro hawhta atluatla kawpa ta ahmâna hawhta cha khao lei awpa vâta ngiaroh taokheina ao reikah chhao a châ. 2019 Krisma daihti liata local thokhazy lia Krisma patlô awpa ta a vaw haw chhieliepazy ama y. Local pokha chhochhi cha dyh 7 Krisma a hawpa ama y hra. Cha hawpa yna Localzy liata nôpawzy ama palôh rie a thei. Sawhkhâ ta lyma hiana hawhpazy pakhâ haw heihta KTP nata KHPzy châta chhao tlalana tluta a châ hra. 2020 Krisma hela Covid-19 Krisma ta ahmâ awpa châta eima lyna ki tlô thai aw vei tahpa he rohpady chyupa a châ. Chavâta yru Krisma a vaw hmâtua chaipa he Zawsi nata Mary Bethlehe viachao o liata ama vaw hmâ tua chaipa a châ. Hla lia chhao “ cha chyutu mietaku vaituh su yru siesai khu” tahpa ta eima sa hra. Krisma hmiatua chaipa kha khatluma yru a chhi bao vama? Covid-19 Krisma chhao he hmiatua chaipa Krisma nata alyuna a y. Sapa ta yru a chhih kaw hrasala Thlahpa kyh la deikua arôhna chaina daihti a châ. Khazoh vaw tuapa khichhai laipa saita apina viachao o lia Krisma ama vaw hmâ khe. Chavâta atakô Krisma he Thlahpa Pathaipa Krisma kyhchhih a châ aw tahpa ta thlah a chha chy su vy.

COVID-19 vâta Local atyuduana Dâh

Myanmar General Election khai Nov. 10, 2020 noh ta Sawhkhâ Order hawhta chyhsa mo (30) nata mo (30) hlâta hlüh via apahmaoh lei awpa tahpa a châpa vâta mo (29) cha dâh pasaina chhôn liata ahmaoh theipa a châ, tahna a châ. Chavâta:-

1. Zawpi apakhya pasaipa châ mah vei (Zawpi apakhyna he hawti machâ hlühpi ta apakhya a châpa vâta pasai leipa a châ.
2. Awnanopa a mohohna kyh liata Machâ bia chakaona he thapatlô lyma awpa a châ aw.
3. Achhyna O liata Mydi thlachhana liata chyhsa mo (30) hlata hlüh via leipa, pakha nata pakha

4. Local standing Committee zy, Bia ryureina zy chhao maluh zie mopatipa ta tao awpa a châ aw. Chahawhta ahmaohna maih ta, hmaopaky paky awpa nata pakha nata pakha feet 6 ahlapa ta atyu awpa kha my awpa châ vei.
5. Abei Tlahkhai chakaona he ei kha ta maluh (30) hlâta hlüh via leipa ta local church ta chakao theina awpa ta Biatuhpa pastor zy ta a lâthlôh a pachâ aw.
6. Nôpakiana program chhao program pachyhpâ ta zawpi (30) hlâta achy viapa ta tao awpa
7. Thina kyh liata chyhsa achy thei chaina ta taokhei thai awpa.
8. Local to ta Christmas he programs hnei chyupa awpa a châ aw. Anodeikua biechho-tuhpa (speaker) hruapa ta hla nata bie ta ahmapa hawhpa tao awpa châ aw vei. He kyh liata Sawhkhâ tawhta order nahthlie via chy awpa a châ aw.
9. Dec. 1 noh Sweet December liata KHP zydua Carol sing akhina chalihsapa a châ. Dec. 6 noh ta KHP Sunday noh program he ochhôn châ chy ta ama saw (KHP member) zy châta Chhônkhâ ahmâkheina tao awpa a châ aw.

2020 Theological Seminar

2020 MEC Theological Seminar cha December 3, 2020 noh ta Heimata local church tlôpakipa ta tao awpa châ taraw ta Covid-19 hriiah vâta zawpi a pahmaohna pasaipa a châ mah leipa vâta 2020 châta chalihsa chypa a châ. Kôkha chhôn a vaw pachhuahpnohpa Heimata chô liata aly ngaita pita, Assembly ta pasaina a pie heih khiah 2021 kô liata Heimata khih lia pyly ta tao thei awpa ta thlah eima chhâkhei nga.

TPA-SDTC Director Bietapa

1. Khazohpa maniah a piepa eima râh leilô he manô mapaw daihti hawhta chi eima cheipazy pha thei khao vei, lyuthlyu aru via nga bapa ta eima

pahno. Chavâta he tawhta khazi tlyma eima vaw sie tita cha rairuna hluhpi eima su chakhai bâ aw.

2. Marapa he chi-hropazy hawhta politics (Naingazei) thatlô mah vei hra ei si la, chicheina or chhohkha ativyna lâ kê tawh eima hmâsie khiahta cha khâpa party or politics phu/py cha ma abyuh khao aw tly tahpa ta hria ba su vy.
3. Eima nie khi deita ngalah pacha leipa ta, eima nie laibahpazy khi hro, rahro lâta zua thei awpa pachâna chôta chi chei bâ awpa daihti eima tlô haw.
4. Eima rân ti nah tlâh nah ahmiepa chichei thokôzy lo awpa, paw ta a lopa chi, ei saw samoh taihta athei nie thei awpa nata zua thai awpa chicheizy he eima tei ba awpa chha eima tlô haw.
5. A daihti liata nie thei, zua theina taih pachâna chôta tao hria ba awpa a byuh ta, sahrôh (Vao, Awh) eima palya chhao he daihti seihipi hawh leipa ta nata a laiseih pha kawpa, hnatla pha kawpa ta paly thaina (chhathieh palya dâh) chhao he achu lyma awpa abyuh aw.
6. Chavâta TPA-SDTC heta Japan nawh taotiana dâh hmâpa ta, eima rân chhoh lia, eima reih hmâpa ta eima pachu lylia haipa a châ. Tahma he TPA- SDTC school liata thla chareih ta hata ei (1) or (no) (3) training eima tao haipa a châ. Ahyrai training a kia khopa cha; aryla noh nata daihti raopa liata moh pangia theipa a châ.

SUDT Training taona awpa noh pahnosana

(1) 2020 kô December 7 tawhta 12 taih.

(2) 2021 kô January 25 tawhta 30 taih.

(3) 2021 kô February 15 tawhta 20 taih tahpa ta eima tao aw.

Training eikha tao tita, chyhsa mo (20) taih la awpa a châ aw. Training fee he mopakha (chabu, chasoh, nie, ariena zydua) ta Ks. 7000/- a châ.

Rân châta thlahchhana Program

Thlachhana he awnanopa ta Khazohpa eima hniana a châ. Office Bearers meeting paryhsapa hawhta a ry liata noh hawhta MEC local church tota thlahchhana hnei awpa ta thatih pahnosapa a châ.

Thlahchha noh : Dec.13, 2020 (Sunday)

Daihti : Abeipa noh my pakhyna daihti liata tlyma, Local Church ta he noh ta thlahchhana daihti a rao aw.

Biepipa : “Hy Abeipa eima rân he patlâh heih mah y” (2Th. 7:13-17)

Thlahchhana Biepipazy

1. Covid-19 Hriiah pai thei nawpa

- a. Covid-19 vâta khizaw potlana he thlai â pai thei nawpa;
- b. Awnanopa chhao pakhyna hnei thei nawpa, phu/py to ama rai chyua ama hria thei awpa;

2. Myanmar Rah Châta

- a. Myanmar rân atlyna (General Election) hlaotloh kawpa ta taopa a châ hawpa vâta ABeipa lâta alyna bie hlâ awpa;
- b. Election liata pahniena a topa party ta Sawhkhana a siekhei awpa liata siana nata adona ta, sawhkha siekhei sala, a rân chyhsazy ama ngiahna hawhta â châhkhei lyma thei awpa,
- c. Sawhkhana a siekhei awpa party ta pahniena a to leipa party-zy pathlua leipa ta, rân châta hmaohkha ama hrialah thei nawpa châta.
- d. Myanmar President, Vice President nata rân nôpaw a vaw chakao awpa zydua châta.

3. Mara Rân nata Awnanopa Châta

- a. 2020 Myanmar General Election liata Marapa pakha Puh C. Zachô cha MP a vaw tloh hawpa vâta Abeipa lâta alyna biereina nata a raihria awpa zydua hlaotloh thei nawpa;
- b. Sawhkha Ryureina dyuchhai liata Marapa pakha chhâ ama hlao thei nawpa.
- c. Election liata hlaotloh leipa Party nanonopa tawhta Marapa candidate zy châta thlahchha awpa, ama vaw tloh mah leipa chhao ta, eima rân châta ama theina hawhta ama hria lyma thei awpa;
- d. Election daihti liata party tota pahniena ama to thei nawpa ta ama campaign daihti liata pakha nata pakha, khihkha nata khihkha, party miakha nata miakha, atheichheina zy, miah haonazy, ahmôchheina zydua vâta Abeipa lâta reipha cheipa ta, eima ngiathai thei nawpa ta, adyhna nata aryhna khito liata a charei thei nawpa ta thlahchha awpa; Mara awnonopa chhao sahpa nata thlahpa liata Abeipa byhna a to lyma thei nawpa;

Salyu local Hyutuh Thiehpa

Salyutlana local Hyutuhpa Machâ Nôpy cha Covid-19 vâta Siaha tawhta Salyu lâ thlai a zu thai khao lei awpa duahmo liata a y. Chavâta ano nata local paryhsana zie hawhta Nov. 22, 2020 nohta by-election taopa a châ. Atlyna yzie hawhta Machâ

Chhâlúa cha 2020-2024 term châta Salyu local Hyutuhpa châta atlypatlopa a châ. Ano nata a chhòkhka châta thlahchha bao lyma ei suh vy.

Matupi Local Church Hmasie lyma

Keima Matupi local cha Covid 19 hri-iah vâta atanoh taih achhyna o khaw chy a a châ. Anodeikua, Khazohpa eima chhy thaileipa vâta Awnano sahlaozy cha eima ngiapâna thazeih tiarâh vei. Eima Suhraw sukhapa chhao zakô nopa hlâta eima thyu hluh via. Achhyna o gate door he Km. Nehemiah chhohkha tawhta ama vaw tao thei. Kudôh chhao he Km. Vahnîe , Puhpa. Chhatle, Puhpa. Pamena, Puhpa Vezatha, nata Rev. Beilawkhai chhohkha zy nata mohluپی apiepasaina ta tao theipa a châ haw hra. Khazohpa ta he hawhta hmopha ataopazy hnohta byhnâ pie via mawh ei sy! Amen



Lailenpi Bia Mydi Tlâh Awna

Covid-19 vâta zawpi apakhyna hnei thei awpa a châ mah leipa vâta Awnanopa zy thapatlô nawpa ta mydi (5-6 am) maihta Pastor zy nata Awnano Macha zy Khazohpa bie tawhta thapatlôna bie rei lymâpa a châ. Awnanopazy chhao thata eima thòhkhei hmeisei. Mydi ta a châ vâta palôh chalih kawpa ta Khazohpa bie nathlie theipa a châ. Biatuhpa tawhta program sa lymâpa ta tovyuh piepa nôpaw zydua ta aly kawpa ta daihti nah châh raopa hawhta Khazohpa bie rei lymapa a châ. Lailenpi A nata Lailenpi Vaihpi localzy tawhta mydi maihta Khazohpa bie rei, nathlie theipa a châ vâta eima ly hmeisei.

Chhòh to thlachhana, Biehrâi reina nata sermon chyupa châbu chypa taopa chhao châta za tato ta thlachhana guide bu hawhta hmâ lymâpa chhao châ ta thata eima phahnai khei hmeiseipa vâta eima ly kaw.

Palyupalina/Alykheina Ryuchâ Hlâna

1. Marareih tawhta Laymyo reih ta Biehrâi thiehpâ palietuhpa Rev. Thlachhau (Missionary) nata ano baotuhpa Rev. Mawthang, Saya Kumthek nata Htp. Paulu zy lâta “Biehrâi palietuhpa nata baotuhpazy ama châpa vâta Nov. 1 noh ta Palyupalina Ryuchâ hlâpa ama châ.
2. 2020 Nov. 8 noh Myanmar râh General Election liata Marapa hry tawhta MP atlohpâ Puhpa C. Zachô (Thatla, NLD Party tawhta Pyithu Hluttaw) hnoh ta MEC Assembly ta Alykheina Ryuchâ a pie. Cha program liata Moderator Rev. Victor Ve U, Rev. Sa E Hmô (ES: Social), Rev. Khabie (Secretary, Synod 6), Rev. Biehlô (Thatla Pastor) nata Htp. Laiô (Chairman, Synod) zy ama hlao.
3. Dr. Sasa cha NLD Party tawhta Chin State châta pahniena phapa a vaw topa vâta MEC tawhta ryucha piepa a châ.

MEC-HHM-TSD Joint Committee

MEC Assembly ta eima râhchhòh NGO a châpa HHM nata TSD nata hmâsiena kyh liata hmaohkha ta raihria thai awpa kyh liata hria khoh lyma awpa ta MoU taopa a châpa hawhta, Nov. 6 noh ta Joint Meeting hneipa a châ. Cha liata **MEC-HHM-TSD Joint Committee** kô 2 châta arylâ hawhta paduapa a châ.

Advisor

1. General Secretary, MEC
2. CEO, HHM
3. President, TSD

Office Bearers (Quarterly)

1. Chairman : Dr. Beichôtha (HHM)
2. Vice Chairman : Pro. Vupar (MEC)
3. Secretary : Machâ Abiza TSD
4. Ass. Secretary : Sayama Dipa (HHM)
5. Finance Secretary : Maipa Khâle (TSD)
6. Treasurer (1) : Machâ Zasaw (MEC)
7. Treasurer (2) : Saya Aung Naing Tun (TSD)

Joint Ex. Committee (Biannual)

1. Rev. Dr. Zodau (ES: Edu) : MEC
2. Machâ Zaphetha (Director, SDTC): MEC
3. Macha Tai Au (SD Secy) : MEC
4. Sayama Lois (3M teacher) : MEC
5. Dr. Sakie (Dy. CEO) : HHM
6. Rev. Haidau (Treasurer) : HHM
7. Sayama Mary Nusô : HHM

8. Sayama Helli (Kali) : HHM
9. Rev. Maiki (Director) : TSD
10. Sayama Sime : TSD
11. Sayama Ngôhmaoh : TSD

General Meeting (Annual)

Office Bearers (7) châta OB (7), JExcom (12) nata py kha tawhta member 3 chyu atly tyhpa a châ aw.

Thlachha kheï awpa zy

1. Germany liata MEC Contact person Tabeanô chhao he Covid-19 a veih hawhpa vâta thohna o liata mohôh haipa a vaw tlah thei nawpa.
2. Rev. Khako avaw tlâh pathlâ thei nawpa châta thlachha bao awpa.
3. Rev. Thlachhau (Pension) cha tlaleina vâta Mandalay thohna o lâ siekheipa a châ. A vaw tla pato thei nawpa ta thlachha bao awpa.
4. Ls. Chichikhai (KTP Secretary, Yangon Local Church) cha Covid-19 hriiah tawhta tlahna a vaw hmô hawpa vâta alyna biereina thlahchhana.
5. Hong Kong liata M.Th achu haipa Rev. Phuhe nata Pastor Rose Mary zy, Yangon liata M.Th achu haipa Rev. Beikhai zy hlaotloh kawpa ta achuna ama patlô thei awpa.
6. India liata BD eima pachusa haipa Pro. P. Palaw nata St. Vabietha zy ama chuna hlaotlo thei nawpa ta thlachha bao awpa.

November chhôn miah pahasaipazy

Khizaw a châpa hawhta noh tato ngiapâtuhpazy ama o lâ ama di lyma. November chhôn liata miah pahâsaipazy awnanopa ta eima taokhei. Ama siesaipa chhônkhâ châta thlahchha suh vy.

1. Km. Remâ (Bieletha paw) Chakhai – Mindat cha thisaih asâhna vâta Nov, 4, 2020 noh ta a paha.
2. St. Bei Mochho, kô – 24, Locheita khihpa cha tho âna su tawhta Nov. 5, 2020 nohta a paha.
3. Machâ Thagma (Thlapai paw), kô-80, Lelai khihpa cha Nov. 9, 2020 noh ta a paha.
4. Machâ Chakao (Eli mapaw), kô-87 cha Sabyhpi Immanuel local church Hyutuh hmiatuachaipa cha Nov. 12, 2020 noh ta chhônkhâ nata awnanopa a siesai.
5. Pupa Rema, kô- 71, Locheipi- Hakha khihpa cha Nov. 13, 2020 noh ta Khazohpa hnoh a paha haw.
6. Pino Pahnai, kô 73, Para khihpa cha Nov. 21, 2020 noh liata miah a pahasai haw.

7. Evan Khin Maung Thway, kô - 26, Inchaukwa khih, Vako (Myo-Khami) field cha chariah vâta Yangon lâ riapaihta achhai chyna liata motor bike accident vâta mia a paha sai haw.
8. Machâ Sâlai (Edeipaw, kô- 86), Lailenpi vaihpi cha Nov. 19, 2020 noh miah siesai haw.
9. Pupa Zôkha (Vahmao paw, kô- 55), Lailenpi vaihpi cha Nov. 29, 2020 noh ta a paha haw.
10. Pupa Ngechho (Ngohnai paw), kô- 60, Locheita khihpa cha chhônkhâ tla leina vâta Dec, 1, 2020 noh liata miah pahasai haw.

Pahnosana

1. KNP Central office bearers nata KHD board meeting cha November 27/ 2020 noh liata L. station liata tlôpakipa châta meeting deikua cha MEC Hqrs, Rev. Teitu Hall liata hlaotlôh kawpa ta hnei theipa achâ. Office bearers mo (11) nata KHD board mo (5) cha hruapa hawhta aki kawpa ta amâ vaw tlôthei.
2. KHP Central Office Bearers meeting cha L. station liata 27/ 11/ 2020 noh liata tlô pakipa cha ta hruapa OB member zy hlaotlo kawpa ta tlôtheipa a châ. 2020 kô chhôn cha Assembly khohkheipa agenda zy cha Covid-19 hriiah vâta eima taothei leipa hlupi y hrasala, 2021 kô liata hriapazi lymâ awpa achâ. KHP ta 2021 kô chhôn ta raihria awpa sahlao hmasie nawpa châta hlupi pachhuahtpanoh pa a châ.
3. Lailenpi Bia ryureina cha Nov. 28, 2020 noh liata L. Station local liata hlaotlôh kawpa ta hneipa a châ. Sawkha dâh ta chyhsa sytho ry dei pasaipa a châ vâta Lailenpi vaihpi tawhta members 10, Lailenpi A tawhta members 10, L. station tawhta members 8 nata Biatuhpa Rev. Lechau, Pro. Serô nata Rev. Satu ve U senion Pastor zy a hlao theipa a châ. Local chyu tawhta Awnanopa hmasie nawpa châta agenda phapazy hlupi reipa chhao achâ. He hawhta hlaotlôhna miah pietuhpa eima Khazohpa hnohta eima ly kaw.

Châbu thiehpa chalei awpa

1. 2020 Assembly bie hawhta Rev. Dr. Si Khaw patôhpatiapa ta “Chhônkhâ châta Khazohpa Bie nata thlahchhana Bu” nata 2021 Calendar a vaw pua haw. Thlachhana bu cha bukha ta Ks. 1000/- , Calendar copy âskha ta 500/ a châ.
2. Mara Biehrai nata Hla Thiehpa Bu chhao December chhôn liata Office avaw tlo bâ aw. Thatih vaw hiahri muh vy.

